

Cavgileapmi gulahallama jodiheaddjái

Okta dahje guokte gulahallanjodiheaddji?

Muhtin jodiheaddjiin leat ollu vásihusat jodihit vánhemoahkkimiid mánáidgárddis, earáide gis lea ođas, gelddolaš ja soaita veaháš issoras. Mánaga jodiheaddji dovdet vánhemiid bures, ja diein vásihusain lea ollu dehálaš vásihus ja diehtu maid don válddát fárrui gulahallančoahkkimii. Sáhtta leat hástaleaddji jus gulahallanjodiheaddjis leat negatiiva vásihusat muhtin vánhemiiguin dahje vánhemoavkkuiguin. Soitet leat muitalusat maid jodiheaddji lea gullan earáin mii sáhtta váikkuhit mo vánhemiid váldá vuostá, sihke buriin ja baháin. Positiiva muitalusat soitet dahkat ahte váimmolaččat dearvvaha sin ja čájeha positiiva fuomášumi. Negatiiva vásihusat sáhttet maid váikkuhit gulahallamii jus jodiheaddji ii leat hui diehtomielalaš mo vásihusat sáhttet váikkuhit deaivvademiin vánhemiid čoahkkimis. Sáhttet hehtet árvvasvuhtii, rabasvuhtii ja fuolalaš lagasvuhtii. Danne sáhtta soames háve leat vuogas ahte leat guovttis geat ovttasbarget jodihit čoahkkima. De sáhttieahtti juogadit ovddasvástádusa ja addit nubbái máhcahemiid gaskkohagaid, maiddá jus ribaha doarjut muhtima evttohusa, ribaha nivssihiit dahje duođaid dovda ahte livččii buorre váldit uhca bottoža ovddasvástádusas.

Gažaldagat dievasčoahkkimis

Rabas gažaldagat maidda eai leat vástádusat «juo» dahje «ii»

- «Maid don jurddašat dán áššis?»

Duođasteaddji

- "Nie don jurddašat" "Na juste – diet lei gelddolaš, muitat eanet "

Čielggadeaddji

- "Jurddašat go don de ahte ..." "Lea go nu ahte maid don dajat, mearkkaša ahte ..."

Buktá ovdan, čoahkkáigeassá

- "Ekspeartaráđđi" mas dus jerret ráđi maid sáhtta dahkat du dieđuid ja vásihusaid vuodul. Sáhtta maid boahit cealkámuš mii du mielas čuohcá ja de lea dehálaš ahte don leat čielggas ja ovdamearkan dajat: «Dán mun jurddašan áibbas eará láhkái. Mun jurddašan ahte mun áinnas háliidan gullat earáid jurdagiid dán birra»

Leage diehtomielalaš man ollu deattuhat ahte "diet lei hui bures daddjon ...", ja dan maid sáhtta dadjat lea «árvvuide čadnon responsa» mas du kommeanta/responsa čielgasit dovddahuvvo ovttá oaivilis dahje it ovttá oaivilis rumašgielain dahje sániiguin.

Fuomáš čuoovvovaččaid

- Leage árvvas iežainat vaikko ii álo mana buot nu bures
- Juogat fuomášumi gaskkal vánhemiid ja bargiid perspektiivvaide.
- Muite atnit fuomášumi givssidan doahpagis vai ii šatta menddo oppalaš ságastallan ja ii šatta digaštallan ovdamearkan borramuša birra. De lea gulahallanjodiheaddji ovddasvástádus dollet suittiide ja njulget. Eahkeda fáddá lea: Givssideapmi.
- Ale cakkas, duođas buot árvalusaid. Jus it ádde mii daddjo, jeara baicca, ale dubme. "Háliidan gullat eanet dien birra", "Dákko jurddašan gal veahá eará láhkái go don, muhto muitat veahá eanet ...".